

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na nastavku 56. sjednice, održanom 15.03.2012. godine, d o n o s i

ZAKLJUČAK

I

Prihvata se Izvještaj o realizaciji Programa utroška sredstava Budžeta za poticaje u poljoprivredi za 2011.godinu, Ministarstva za poljoprivredu, šumarstvo i vodoprivredu Zeničko-dobojskog kantona, kao obrađivača.

II

Izvještaj iz tačke I ovog zaključka, zajedno sa izvještajima ostalih ministarstava o namjenskom utrošku sredstava sa transfera iz njihove nadležnosti, uputit će se u skupštinsku proceduru radi informisanja.

III

Zaključak stupa na snagu danom donošenja.

Broj: 02-_____/12.

Datum, 15.03.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

IZVJEŠTAJ

o realizaciji Programa utroška sredstava Budžeta za poticaje u poljoprivredi za 2011.godinu

Program utroška sredstava Budžeta za podsticaje u poljoprivredi u 2011. godini, Vlada Zeničko-dobojskog kantona usvojila Zaključkom broj:02-24-13777/11 od 12.05.2011. godine, kao i izmjene Programa Zaključkom broj: 02-14-21003/11 od 04.08.2011. godine i Zaključkom broj:02-14-33103/11 od 30.12.2011.godina.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 402, pozicija „Subvencija za podsticaj razvoja u poljoprivrednoj proizvodnji“ u iznosu od 1.493.263,00 KM.

Izmjenom Budžeta Zeničko-dobojskog kantona za 2011. godinu („Službene novine Zeničko-dobojskog kantona“, broj:17/11) od 30.12.2011.godine, planirana sredstva su umanjena na iznos od 1.360.763,00 KM.

Po usvajanju Programa, Ministarstvo je uradilo Uputstvo o poticanju poljoprivredne proizvodnje, kojim su propisani detaljniji kriteriji za ostvarivanje i način realizacije poticaja.

Sa ciljem upoznavanja potencijalnih korisnika, Program i Uputstvo stavljeni su na web stranicu ovog Ministarstva, a potom je organizovana prezentacija ova dva dokumenta za općinske stručne saradnike za poljoprivredu, predstavnike udruženja poljoprivrednih proizvođača i poljoprivrednih zadruga.

Na prezentaciji sa općinskim stručnim saradnicima, dogovoreno je da se aplikacije zaprime u općinama te da se oni angažuju u kompletiranju i kontroli ispravnosti tražene dokumentacije aplikanata.

U sedmičnom listu „Naša Riječ“ i dnevnom listu „Avaz“, objavljen je Javni poziv za potencijalne korisnike u skladu sa usvojenim Programom.

U skladu sa raspoloživim sredstvima, mjere podrške u poljoprivredi iz Budžeta Zeničko-dobojskog kantona za 2011. godinu su usmjerene prema slijedećim proizvodnjama i aktivnostima:

A/ Podrška poljoprivrednoj proizvodnji

A/1 Animalna proizvodnja

- proizvodnja priplodnih junica
- proizvodnja brojlera
- proizvodnja konzumnih jaja
- podrška u finsiranju mliječnih kartona
- podrška registrovanim farmama za proizvodnju kravljeg mlijeka

A/2 Biljna proizvodnja

- proizvodnja presadnica za povrće
- proizvodnja povrća u plastenicima i staklenicima
- proizvodnja maline
- proizvodnja američke borovnice
- proizvodnja gljive
- proizvodnja heljde i spelte
- zasnivanje novih zasada maline i borovnice
- zasnivanje novih zasada voća-visokostablašice
- podrška za reprocentre voćnih sadnica

B/ Podrška prerađivačima i otkupljivačima poljoprivrednih proizvoda

B/1 Podrška prerađivačima

- podrška mljekarama za otkup mlijeka sa područja ZE-DO kantona
- podrška prerađivačima za otkup brojlera

B/2 Podrška otkupljivačima

- podrška otkupljivačima svježeg kravljeg mlijeka
- podrška otkupljivačima za otkup svježeg voća i povrća

C/ Podrška kapitalnim ulaganjima

- podrška za nabavku mehanizacije za poljoprivredu

D/ Podrška projektima

Ova podrška je brisana zbog umanjena sredstava za poticaj u poljoprivredi te ista se planira realizovati u 2012. godini.

U nastavku ovog izvještaja dat je tabelarni pregled realizovanih sredstava :

- Po proizvodnjama i zahtjevima(Tabela br.1)

REALIZOVANI ZAHTJEVI ZA POTICAJE U POLJOPRIVREDI U 2011 GODINI

Tabela br.1

r/b	Namjena	Iznos poticaja u KM po jedinici mjere ili po grlu	Podržana proizvodnja u kg, litrima, m ² grlima, kljunova	Broj zahtjeva			Ukupno odobrena sredstva po poticajima (KM)
				Ukupan broj zahtjeva	Ukupan broj odbijenih zahtjeva	Ukupan broj odobrenih zahtjeva	
1.	Premija za uzgoj priplodnih junica	200 KM/grlu 400 KM/grlu	685 grla	679	76	603	231.400,00
2.	Premija za uzgoj brojlera	0,10 KM/kljun	1.480.710 kljun	73	0	73	148.071,30
3.	Proizvodnja konzumnih jaja	1 KM/pilenki	60.383 pilenki	10	2	8	60.383,00
4.	Podrška u finansiranju mliječnih kartona	30 KM/grlo	3.662 grla	14	0	14	121.165,00
5.	Farne za proizvodnju kravljeg mlijeka	200 KM/grlu	248 grla	19	1	18	49.600,00
Ukupno animalna proizvodnja				795	79	716	610.619,30
6.	Proizvodnja presadnica povrća	0,05 KM/kom.	546.500 kom	2	0	2	27.325,00
7.	Proizvodnja povrća u plastenicima i staklenicima	2 KM/m ² 5 KM/m ²	75.195,15 m ²	125	16	109	228.467,40
8.	Proizvodnja maline	0,20 KM/kg	445.693 kg	266	4	262	89.138,50
9.	Proizvodnja američke borovnice	0,30 KM/kg	10.432 kg	3	0	3	3.138,70
10.	Proizvodnja gljiva	10 KM/t	2.358,17 t	2	1	1	23.581,70
11.	Proizvodnja organske heljde i spelte	350KM/ha	20,9 ha	1	0	1	7.315,00
12.	Premija za nove zasade maline i borovnice	4.000KM/ha	1,95 ha	12	3	9	7.800,00
13.	Premija za nove zasade voća- visoko stablašica	6.000KM/ha	5,7 ha	19	2	17	34.250,00
14.	Premija za reprocentar voća	3.500KM/ha	0	1	1	0	0
Ukupno biljna proizvodnja				431	27	404	421.016,30
15.	Podrška mljekarima za otkup mlijeka sa područja ZDK	0,02 KM/lit	3.939.579 lit	4	0	4	78.791,00
16.	Podrška otkupljivačima za otkup svježeg kravljeg mlijeka	0,02 KM/lit	2.223.583 lit	5	0	5	44.471,00
17.	Podrška otkupljivačima za otkup svježeg voća i povrća	0,03 KM/kg	1.386.400 kg	8	1	7	41.592,70
18.	Podrška prerađivačima za otkup brojlera	0,10KM/kljun	689.929 kljun	2	0	2	68.929,00
Ukupno prerađivači i otkupljivači				19	1	18	233.783,70
19.	Podrška za kupovinu poljoprivredne mehanizacije	20% vrijednosti nabavl. mehan		93	24	69	82.701,00
Ukupno kapitalna ulaganja				93	24	69	82.701,00
REZERVA:							13.510,00
SVEUKUPNO:				1.338	131	1.207	1.361.630,30

Svi prispjeli zahtjevi, koji su dostavljeni u propisanim rokovima su obrađeni i realizovani. Od planiranih sredstava po rebalansu Budžeta za poticaje u poljoprivredi za 2011. godinu u iznosu od 1.360.763,00 KM izvršeno-realizovano je 1.361.630,30 KM ili 100,06%.

**Ministarstvo za poljoprivredu, šumarstvo
i vodoprivredu Zeničko-dobojski kanton**

